

## CONVENIO DE COLABORACIÓN ENTRE O CONCELLO DA CORUÑA E O SERVIZO GALEGO DE SAÚDE PARA O OUTORGAMENTO DE AUTORIZACIÓN TEMPORAL DE USO DUN INMOBLE DESTINADO A UNHA UNIDADE DE ATENCIÓN Á SAÚDE SEXUAL E REPRODUTIVA

### MEMORIA XUSTIFICATIVA

O Xerente do Servizo Galego de Saúde, DECLARA:

- Que o presidente do Servizo Galego de Saúde formalizou o día 05.06.2026 co Concello da Coruña o instrumento convencional arriba referido, que terá vixencia de catro anos a partir do día da súa formalización.

- Que o instrumento convencional ten por obxecto, segundo expresa o texto do acordo, *"a formalización da autorización temporal de uso, a título gratuito, a favor do Servizo Galego de Saúde, dos espazos necesarios no edificio sito na rúa Miguel Servet, nº 9 (acceso pola rúa Tui Nº 19), de titularidade municipal, para o funcionamento dunha Unidade de Atención á Saúde Sexual e Reprodutiva, conforme á memoria e documentación técnica incorporada ao expediente.*

*As instalacións cedidas limítanse estritamente ao espazo identificado no expediente como obxecto da autorización, quedando excluídos o resto de bens e edificacións que integran a parcela catastral de titularidade municipal. Este espazo é no que tradicionalmente foi situado o Centro de Orientación e Planificación Familiar que é obxecto de autorización.*

*Este espazo deberá destinarse de maneira exclusiva á finalidade sanitaria sinalada, concretamente ao funcionamento dunha Unidade de Atención á Saúde Sexual e Reprodutiva, non sendo posible a súa utilización para ningún outro fin distinto, salvo autorización expresa e motivada do Concello da Coruña.*

*O incumprimento do destino autorizado constituirá causa de resolución anticipada da autorización.*

*A presente autorización outórgase con suxeición ao disposto na Lei 33/2003, de 3 novembro, do patrimonio das administracións públicas."*

- Que existe converxencia de intereses entre as entidades asinantes en orde á consecución do obxectivo referido.

- Que o instrumento convencional asinado fundaméntase, segundo o seu texto, en que:



*“A fin de dar unha mellor resposta aos problemas de saúde da poboación, mediante actuacións que permitan mellorar as dotacións e infraestruturas adicionais á atención asistencial á cidadanía no municipio, faise necesario formalizar o compromiso de ambas institucións para asegurar o funcionamento dunha Unidade de Atención á Saúde Sexual e Reprodutiva nos locais de titularidade municipal situados na rúa Miguel Servet nº 9 (acceso pola rúa Tui Nº 19).*

*Tal e como se pon de manifesto na documentación achegada polo Concello, os locais de titularidade municipal aos que se refire a presente autorización temporal de uso xa foron obxecto de cesión a favor do Instituto Nacional da Saúde (INSALUD) no ano 1986, para o seu uso como Centro de Orientación e Planificación Familiar. Por tal motivo, tanto o Concello como o Servizo Galego de Saúde están interesados en formalizar novamente a autorización temporal de uso, a favor do organismo autónomo, dos espazos necesarios para o funcionamento dunha Unidade de Atención á Saúde Sexual e Reprodutiva que preste servizo á poboación da área de referencia.*

*O interese público da presente actuación radica en dar unha mellor resposta aos problemas de saúde da poboación, mediante actuacións que permitan mellorar as dotacións e infraestruturas adicionais á atención asistencial á cidadanía no municipio.”*

- Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificable o recurso á sinatura do instrumento convencional que se pretende, con exclusión doutras figuras.

E para que conste, asino esta memoria, en Santiago de Compostela.

